

甲子新刊

歸德府志

本縣藏板

合山縣志序



域中大權有三史居其一
焉山川之險易人物之淑
慝風俗之淳澆以及治忽
興亡之法戒皆賴史以傳

趙序一

史之權不繫重乎欲求信
史於天下尋源達委端在
郡邑故郡邑之有志猶曰
之有史也合古歷陽界於
江淮之衝爲楚魏百戰地

四山矗起一水滌滌眺
流連令人神往余於癸亥
夏新膺

簡命承乏茲土時

聖天子車書一統海宇昇平

趙序二

爰滇

繪章廣開志載

督撫兩憲臺馳檄大江

左右彙集郡邑諸志啟

闡而布濩焉荷歟盛哉

教聿光矣第舍志自金鄉
朱公重修後迄今三紀世
變風移雖山川如故其間
戶口之增損田賦之變通
者幾何關市之廢置宮廟

趙序三

之釐正者幾何忠孝節義
之芳規瑰異琦行之偉蹟
遺佚不聞者幾何今不爲
之紀實考信將何以續三
十餘年之曠廢而垂示久

遠乎於是。是不辭固陋，延集
邑之紳士，矢公矢慎，博稽
幽討，焉寧質，勿華寧簡，勿
濫寧慎，重勿浮，誇庶幾疆
域有所據，不虞其漏也。版

趙序四

籍有所定，不虞其紊也。賢
者得以傳，不肖者知所勵
也。是則余之志也。後之蒞
茲土者，其亦有感於余之
志也夫。

嘗


皇清康熙甲子季夏之吉

文林郎江南和州合山

縣知縣博學鴻儒趙煥錦瀾

父撰

趙煥五



載序

邦稱吳楚噪耳食者徧寰
海余謬蒞茲舍已得大較
餘閒搜舍志一帖中間熨
貼皴疥殊不勝有修繕之

趙載序一

感自國史一書繼麟經絕
筆後十有七種綱目得麟
經之遺而考亭之筆削得
春秋左氏之統宗其亦大
宋之春秋乎抑亦萬世之

春秋乎表裏是是非非大
書特書爲天經地義昭若
日星此遷固而後紫陽氏
之一傳再傳揭直道於中
天而表彰於爍者也諸國

史而外則爲傳爲記爲郡
志爲邑乘亦有麟經之遺
焉此含邑之乘有待於修
之亟亟也含志所載如風
俗人文山川名勝祭祀典

禮義夫節婦土產疆界罔
或少遺此庖厨襍藝府庫
六經包羅萬有不得名流
碩抱烏能勝任而愉快爰
集王子千里唐子秩臣鍾

趙載序三

子孝虎張子九雲毛子碩
人唐子修巖分彙纂著佛
時仔肩率成舉數十年中
葉不無損益隱見之漏乘

與朝大修一統全志之盛之

時從而振興之使字追句
琢南金竹箭炳炳磨磨如
日月經天江河注地後之
君子伐帖而如見今日於
几席面談間猗歟休哉余
雖貧於官適亦快余之懷
也云爾

趙載序四

薄姑趙燦載撰



含山縣志序

志言記也與國史爲表裏志以郡分史以國合故國史爲郡志之合郡志卽國史之分史也者上接王風寓明春秋之義大書特書非非是是炳日星而昭雲

林序一

漢自龍門振始歷兩漢六朝唐宋諸大家各秉一椽爲一代成書極九州四表人物山川諸勝記載罔遺蓋亦博採於諸志而大備之史亦志之一大都會也志固與史並重合之有志舊矣

自前尹牟朱兩公纂輯帖成細
函及今多歷年所世幾變風亦
幾移矣其中損益廢興不一而
足諸如

聖宮賢廡名宦鄉賢官舍田園
興於兩公之年者繼或廢於今

林序二

日有增益於兩公之後者或未
備於先年不考核詳確錯出先
後說以益說謂信志何謂百世
何余每志切修明力旣慚薄而
任又非所宜專嗜噓浩嘆蘊結
孔將虞管管莫之或逮何是歲

春 邑侯博興趙公蒞舍甫期
百務修舉亟發其志而昭明之
乃晉揖知名諸君子操觚濡墨
戎理肩事盡舍之人物名勝山
川土田建置沿革記以信不記
以疑記以寔不記以華區類別

林序三

額條析縷分不遺千鈞芒髮當
事又從而典贍之按事徵詞追
字琢句卽起太史公董狐穀梁
輩而問之亦將嘆其寧質無文
寧直無阿無忝於考亭弇州諸
君續筆綱目輔翼春秋之一班

也余不才愧樗櫟於梨棗得步
塵於諸君子之後幸何如之敢
謂此志僅一邑之志一日之業
也哉侯泰岱名宿蒞舍多治行
舍人士能言之茲不具贅云

康熙甲子天中舍山縣儒學教

林序四

諭毘陵林搏雲頓首拜撰



含山縣志序

余不敏株守一經濫竽歲薦家居閒暇無案牘之擾以勞其形神時肆力於墳典丘索載籍圖史舉凡五嶽之高百川之遠雖未身歷心竊嚮往久之甲子春

吳序一

得分含訓知含屬歷陽近金陵風土人物佳麗甲於天下得之傳聞者久在意中及奉

命之官見山環水遶知其土厚而水深也見士愿民樸知其風醇而俗美也數十年之夢想一旦

而履其地接其人斯已奇矣乃
受任伊始恭逢 邑侯趙公重
修邑乘 同寅林公左右而贊
勩之下吉環峯書院延請紳士
鍵戶編輯夫志何以必修蓋以
今之志志昔也後之志志今也

吳序二

後之不修昔將安繼倘前事修
明後事闕略是有志無志也抑
且歲月浸久字畫磨滅遺文湮
沒傳信傳疑皆無可考失此不
修是有志無志也 志創始於
牟公增華於朱 厥功大矣而

宋志成於順治六年

本朝定鼎之際值兵燹之餘數十
年流氛完亂雖一旦廓清乃家
有藏書半屬咸陽之火邑無紀
載空餘秦氏之灰幽光潛德豈
盡闡焉野史稗官寧無遺遺漏况

吳序三

復相沿又歷三紀繼此勿修是
有志無志也而諸紳士悉皆名
下無不驅馭左史引勝開奇猶
復矢慎矢公徵文考獻紀事則
寧嚴而無濫摛辭皆崇雅以黜
浮剛暴就簡化腐爲新聞數月